

يوهڻائے سئيمی کاگد

يوهڻائے سئيمی کاگدے پجار

يوهڻائے سئيمی کاگد گون دروت و ذرهبات و کاگدے نبشته کنوک و هما مردمانی پجارا بندات بيت که آيانی ناما کاگد نبشته کنگ بوتگ. يوهڻائے سئيمی کاگدے نبشته کنوک و تا ”کماش“ گوشيت. کماشے گال په کليسائے هاسين سروک و استادان کارمرز بوتگ. اے کاگد گون يوهڻائے اولی و دومی کاگدا سک همرنگ انت، پميشکا پاکين کتابے گيشترين زانتکار گوشنت که اے کاگد هم ايسائے کاسد يوهڻايا نبشته کرتگ.

اے کاگد گايوس نامين مردميے سرا نبشته کنگ بوتگ که کليسايی سروکے و گون يوهڻايا نزیک انت. يوهڻا سهيگ بيت که گايوس په وپاداری راستين راها انت، گرا په گايوسا کاگدے نبشته کنت و گوشيت که منی ديم داتگين باورمندانی هئالداريا بکن. يوهڻا اے ارادها هم زاهر کنت که من و ت همودا تئي چارگا کايان و ديوتريپوسا نهړ و هکل کنان، چيا که آ منی اهتيارا نميت و مساپرين باورمندانی هئالا نداريت.

يوهڻائے سئيمی کاگدے اهمين گيے اش انت که راستيے مټوکين باورمندانی هئالداري کنگ بيت. راستيے مټوک هما انت که آيانی کرد شر انت و مهربان و مهماندار انت.

سلام و دروت

① چه کليسائے کماشے نيماگه په دردانگين گايوسا که په دل منا سک دوست

٢ او دُردانگ! دوا کنان که تئی سجھین کار په شری دیم برئونت و تئی جسم و جان، هم تئی روھے پیما ذراه و سلامت بیت. ٣ باز گل و شادان بوتان که لهتین سنگت آتک و گواهی اش دات که تئو راستیے وپادار اے، بزانتی زندا راستیے سرا گوازیڼگا اے. ٤ هج چیز منا چه اشیا گیشتر شادان نکنت که بشکان منی چک راستیے سرا زند گوازیڼنت.

براتانی مدت کنگ

٥ او دُردانگ! تئو براتانی سجھین کاران گون وپاداریا کنے، ثرے آ بیگانگ ببت. ٦ آیان، باورمندانی دیم په تئی مہرا گواهی داتگ. اے سگین شریں کارے بیت که تئو آیان هما پیما سات و سپرا رئون بکنے که هدائے رزا انت. ٧ چیا که آ په هما نامیگی سر گپتگ انت و چه ناباوران کُمکے نگپتگش. ٨ گزا ما باید انت چشین مردمان مدت بکنین، تان ما په راستیے دیم برگا همکار بیین.

٩ چیزے په کلیسایا نبشتگن، بله دیوثریپیس که مستریے لوٹوک انت، مے اهتیارا نمیت. ١٠ وهده ووت بیایان، آییے کارانی حساب و کتابا کنان، چیا که مے هلاپا دروگین بھتام شنگ و تالان کنگا انت. په اینچکا هم بس نکنت، براتان وشاتک نکنت و آ دگران هم که براتان وشاتک کنگ لوٹنت په اے کارا نیلیت و آیان چه کلیسایا در کنت و گلینیت.

١١ او دُردانگ! بدیے زندگیریا مکن، نیکیے زندگیریا بکن. هرکس که نیکی کنت چه هدائے نیمگا انت، بله آ که بدی کنت هدایی ندیستگ. ١٢ سجھینان،

دیمیټریوسئے بارئوا شَرِّین گواهی داتگ، تنتنا راستیئے چندا هم. ما هم همے
ډئولا گواهی دئیین و وټ زانئے که مئے گواهی راست و برهک انت.

گډی هبر

۱۳) بازین چیزے هست ات که په تئو بنشټینان، بله نلوټان گوڼ کلم و کاگدا
بنت. ۱۴) اُمیتوار آن که په همے زوټان ترا بگندان و دیم په دیم گپ و ثران
بکنین.

۱۵) ترا سُهْل و آسودگی سر بات! دؤست ترا دُرؤت و درهبات گوشت. تئو
هم دؤستان یک یگا په نام، سلام سر کن.